

**JU ISAÍAS ALACJUNI JU
LAPANACNI JU
IXCHIVINTI DIOS**



**Ali' ats'oknut ju ts'okcanta
lacaSast'i Ixchivinti Dios ju
tuchi tapasalh ju ts'okcanta ju
lacaMak'ania Ixchivinti Dios**

1. Ju Isaías tai'ulai ix'alacjunica ju ixchivinti
Dios ju xalapanacni Judá
Mateo 13:14-15; 21:33
Marcos 4:12; 12:1
Lucas 8:10; 20:9
Xivan 12:39-40
Ixtamalakachan ju Jesús 28:25-27
2. Ju Isaías alacjuni ju ixlaclhamap'aksin Dios
ju xalapanacni Judá chai ju Efraín
Roma 9:27; 15:12
3. Ju Isaías alac'ats'oknuni ju israelitanin ni
cata'anchokolhch ju Judá
Mateo 3:3; 12:17-21; 21:13
Marcos 1:3; 11:17
Lucas 3:4-6; 4:17-19; 19:46; 22:37
Xivan 1:23
Ixtamalakachan ju Jesús 8:28-33
1 Pitalu' 1:24-25

**JU ISAÍAS ALACJUNI JU
LAPANACNI JU
IXCHIVINTI DIOS**

Isaías predica a la gente la
palabra de Dios

Tepehua de Huehuetla



La Liga Bíblica
Las Sagradas Escrituras para Todos

ca'alacmakniya' ju lapanacni ju talak'ayai ju va
santu q'uiu. Pus najunta ni na lakalhu c'ata ju
na lhek'acha catatola' ju lapanacni. Pus ju
acsni avilhchan ju lobojni chai ju calhnilujni
lhek'acha catalacvena' ju va lakputam. Chai
lana jantu xamati' catit'alak'ailh ju apumatam.

Todas las ilustraciones son propiedad de © 1978
David C. Cook Publishing Co., usadas con el permiso
correspondiente.

Primera edición
Isaías predica a la gente la palabra de Dios
Tepehua de Huehuetla
tee 06-057 1.5C

©La Liga Bíblica, A.C., 2006
México, D.F.

Ju Isaías chinich nonchokolh:

—Ju Dios chini najunta: “Ju ali'in israelitanin talhitalacasui ni quintat'ajun lak'ayanin. Para lana k'ox talaclhimakchapui ju lapanacni ju tamach'alhcatni. Palai k'ox cava ni alaich k'ox catalakts'ilh ju lapanacni. Chai catalacmapainilhch ju quilhpatinin. Pus jantu va yuch ni catalaclhitalacasutsuculh ni vasalh quintalak'ayai.”

Ju Isaías nonchokoi ixlacata ju ixlapanac ju Dios

’Ju ixlapanac Dios chini najunta: “Ju ix'Espiritu ju Dios lana k'ox quin'aklhtaijui. Pus quinmalakachai ix'alaclhi'anica ju k'ox chivinti ju jantuch na talaclhit'ak'ayai ju ix'atac'atsanti'an. Chai ju va talac'amak'aninin lhek'achach catac'atsalh. Pus ic'alacjuni ju tach'inin ni lhek'acha catataxtuya'. Chai vachu' ix'ajunica ju chavai ni na alacmapaini ju Dios ju xalapanacni ju ani lacamunutpa'.

”Vachu' quinmalakachata ix'ajunica ni ca'alacmamac'ahk'ajniya' ju alactu'uni lapanacni. Pus quinmalakachata ni ac'alacmatank'oxajk'aya ju va talac'amak'aninin. Chai ni lana k'ox vachu' ac'alacmak'ank'acha.”

Ju Isaías tailhi'ah ju ixchivinti:

—Ju Dios vachu' najunta ni lana k'ox ca'alaclhist'ac'a' ju ixlapanacni. Para

Prólogo

El Antiguo Testamento es un conjunto de libros que se presenta como una de las dos secciones de la Biblia. Esos libros cuentan cómo se relacionó Dios con la gente hace mucho tiempo. Fueron escritos por israelitas, y hablan mayormente de la relación entre Dios y la gente israelita. Todos ellos fueron escritos hace más de dos mil años, durante un período que abarca unos mil años.

El libro que tienes en tus manos relata algunos eventos descritos en el Antiguo Testamento. Habla acerca de Isaías cuando les llevó la palabra de Dios a los habitantes de Efraín y de Judá. También habla acerca de que Dios los castigaría por sus pecados. Así mismo habla mucho acerca del Mesías que Dios iba a mandar.

Con el propósito de que este libro no fuera tan extenso y de difícil lectura, no se incluyó todo lo que contiene el Antiguo Testamento a cerca de la vida de Isaías. Después de haber leído este libro, le recomendamos leer todo el libro de Isaías. Este está escrito en el Antiguo Testamento después de Cantares y antes de Jeremías.

Ixputai'ulacan ju ats'oknut

Ju lacamak'ania ats'oknut alhiqui, na tijlhu lac'alhiqui ju lacts'okcanta. Pus ju ani alhiqui ix'aclhtam ts'okcanta ju lacaBiblia. Chai ju laca'ani lac'alhiqui ts'okcanta tas ix'alicput'achivinin ju Dios ju lapanaacni ju na mak'anchich. Pus ju ani lac'alhiqui israelitanin ju talacts'okta. Pus ixlacatach tas ix'alact'alaich ju Dios ju israelitanin ju lhichivininta.

Chai ca tapasatach lakat'ui mil c'ata ju xats'ojk'ocan ju ani alhiqui. Para ju ali' lac'alhiqui palaich na mak'anch ju xats'okcan.

Ju alhiqui ch'ap'at'a laminmaca' najunta ixlacata ju ali' taxtokni ju ts'okcanta ju lacaMak'ania Ats'oknut. Najunta ixlacata acsni alachi'anilh ju ixchivinti Dios ju Isaías ju amachak'an Efraín chai ju Judá. Vachu' najunta ni ca'alacmamac'ahk'ajniya' ju Dios ixlacata ju ix'alactu'unti'an. Vachu' na lhu lhichivininta ixlacata ju Mesías ju camalakachatachilh ju Dios.

Para alin atumpa taxtokni ju jantu ts'okcanta ju laca'ani lhiqui, ni palaich jantu na va k'elhtank'ai cava. Pus ju chunch palaich jantu na va lhxcai ixt'achivinica lhiulacan. Vachu' iclalhimap'aksiyau ju tichi alakts'ina'it'it ju ani alhiqui, acsni alakts'ink'oya'it'it tasq'uini ni alakts'ink'ot'it ju alhiqui ju juncan Isaías. Pus ju yuch anch ts'okcanta ju lacaMak'ania Ats'oknut junta aclai ju juncan Cantares. Chai anch aclai junta tai'ulai ju juncan Jeremías.

jantu tavanan cati'aclalh. Ju quit'in lana k'ox aclamapainik'alhiyau. Chai uxtnanch ju alacmasuniya'it'it ju quinlaclhamap'aksin ju xalapanacni ju alich lak'achak'anixni."

'Pus ju Dios lana vanin quintat'avilan ju chavai. Chai ca'alacmac'acxaniya' chux ni catamamactalhch ixnavica ju alactu'unti chai catalhilaksilhch ju yuch. Ju Dios jantu navi ju taxtokni tach ju past'ac'au ju canavi. Pus ju yuch palai na k'ox ju tuchi navi. Ju tuchi najun ju yuch ni catapasaya', pus tapasai.

Yuch ju tuchi lacasq'uin ju Dios ni catanavi ju ixlapanacni

'Ju Dios najunta ni va yuchach ju canaviu ju k'ox ju quiñan'an. Pus tasq'uini ni ca'astacnau ju avilchan pa'astacna. Chai ju yuch vachu' k'ox ca'alakts'ina' ju alacatam amachak'an ni catamapaini chai ni cataquiclaca'i ju ixlacelhamap'aksin.

'Pus vachuch ju yu'unch lai catamilh lhijuninin ju lac'atapacxat ju Dios ju la'ixpujitat. Ju yuch cajuna' pujitat junta lai catamilh t'achivinin ju Dios chux ju xalapanacni ju ani lacamunutpa'.

'Ju Dios najunta ni va yuchach ju lana k'ox t'ak'ayata chai ni lana k'ox salaka junta. Pus mas ni na salaka junta vachu' na aklhtaijui ju jantu na va t'ak'ayata c'atsan tam lapanac.

'Pus la'ixmak'alhk'ajnat yuch ju
a quintapumac'acxaniyan ju Dios ixlacata ju
tuchi navitauch ju quijnan'an. Ju quijnan'an
chunchach juntau tach ju lajcalhnalu ju va
tatuxtutach junta tatanumanalh ju ali'in.

'Ju Dios camocona' ni yuchach ju
camak'alhk'ajnalh quilacata'an chai jantuch
quijnan'an. Ju la'ixquilhni lana jantu tu'u'
achivixtaknat catitaxtulh, lana va lacak'achat
cach'ixk'oya' chux. Pus lana jantu tu'u'
catinaulh. Chai catamakniya' mas ni jantu
tu'u' amacxciai navita ju yuch.

'Ju astan catasuyach ni chux ju tuchi
ixnajun chai ju ixnavi tus acsni tai'ulacha ju
ixllich'alhcet si k'ox. Chai ju va ixlacata ju
yuch ju Dios ca'alacmac'acxaniya' ju ali'in ju
tuchi macxciai ju tanavita.

Ju Dios vatach alact'atolhputunch ju xalapanacni

Ju Isaías tailhi'alth ju ixchivinti:

—Pus ju Dios chini najunta: “Va tichi
chavaich ju camaktasq'uini ju tu'u' taxtokni
chach milh ju laquinmacni. Chai ju quit'in
acxtakniyach ju tuchi maktasq'uini. Ju
uxitnan lana k'ox p'as ch'alhc'atnanat'it chai
lana jantu tu'u' lai lhit'a'uyat'it.

”“Para ni aquinlaquiclaça'iyau ju quit'in,
ju acsnich vatach k'oxich cata'ananiyan.
Pus ict'onau lalhit'atak'oxinin ju atak'oxinti ju

Sumario

1. Ju Isaías tai'ulai ix'alacjunica ju ixchivinti
Dios ju xalapanacni Judá
(maxtucanta ju laca'Isaías 1–6) 1
 2. Ju Isaías alacjuni ju ixlaclhamap'aksin Dios
ju xalapanacni Judá chai ju Efraín
(maxtucanta ju laca'Isaías 9:8–12:6) 8
 3. Ju Isaías alac'ats'oknuni ju israelitanin ni
cata'anchokolhch ju Judá
(maxtucanta ju laca'Isaías 40–66) 10
- Ali' ats'oknut ju ts'okcanta ju lacaSast'i
Ixchivinti Dios ju tuchi tapasalh ju
lacaMak'ania Ixchivinti Dios 22

ixtapalhni junita. Vachu' lana k'ox
catamamak'alhk'ajniya'."

'Pus yuchach ju camak'alhk'ajnana' tach ju
ixmertasq'uiniyauch ni camamak'alhk'ajnicau
ju quijnan'an. Pus yuchach ju
calhimakchapucana' ixlacata ju tuchi macxcai
navitau ju quijnan'an.



Ju Isaías alacjuni ixchivinti Dios ju israelitanin

“Pus chunchach ju xaclampunaviyau ni va iclamalaniputunau ni laich aquinlaquiclaca'iu. Pus ni xaqinlaquiclaca'iu ju quinlacchamap'aksin tus acsni iclamasunichau, pus jantu ixt'imak'alhk'ajnant'it ju ani mak'alhk'ajnat.

“Pus ju chavai at'axt'ut'it ju xalak'achak'an Babilonia, ap'inch'ok'ochitit ju xalacat'un Judá chai ju quit'in acl'a k'lhtajuyau. Para ju quit'in lana jantu iclakts'imputun ju alactu'unti ju tuchi tanavi ju yu'unch. Ju yu'unch lana k'ox ac'alacmamak'alhk'ajniya' ixlacata ju ix'alactu'unti'an.”

Ju ixlapanac Dios na camak'alhk'ajnana'

“Ju Dios vachu' chini najunta: “Ju ixlapanac lana k'ox ca'ananiya' chai lana k'ox calak'amispacana'. Pus na lhu xalak'achak'anixni ju lacamunutpa' ju catalhamak'aninina' ju la'ix'ucxlacapu' ju yuch.

“Pus yu'unchach ju catanona' ju tuchi jantuch ixtak'esmatta ju ixlhi'ap'ulhnau. Ju yuch lapanac lana jantu xamat'i ju k'ox catilakts'imputulh. Ju ixlacatuna lana k'ox calhimakchapucana' tach ju jantuch catasuya' ni ixlacatuna cava tam lapanac. Pus lanach jantu xamat'i catitalakts'imputulh ju yuch. Chai vachuch catapast'ac'a' ni lana jantu tu'u'

Ju Isaías tai'ulai ix'alacjunica ju ixchivinti Dios ju xalapanacni Judá

(maxtucanta ju laca'Isaías 1–6)

Ju Isaías amalaninin ju ixchivinti Dios

Acsni na lakalhuch c'ata ixta'ucxtinivi ju Uzías ju xalacat'un Judá, acsnich ju malakacha ju Dios ju ixnajun ixchivinti ju juncan Isaías ni ca'ah alacmasunini' ju ixlacchamap'aksin ju xalapanacni Judá chai ju xalacat'unch ju t'alach'apatach ju Judá.

Ju Isaías alacjunilh ju amachak'an Judá ju tuchi najunta ju Dios.

Chai chinich ix'alacjuni: “Minchux'an ju uxijnan lana k'ox alactu'unin unt'at'it. Pus lana jantu quinlaquiclaca'iputunau. Ju quit'in chunchach xaclalakts'intau tach ju tam xapai ju lana k'ox amapaini ju is'ask'at'an. Para ju uxitanan jantu xaqinlaquiclaca'iyau tach ju ask'at'an ju lana jantu tu'u' quinlalhiulayau.

“Na lhu lhamak'an ju xaclamaca'aniyau. Pus iclact'ilhilh ju minlak'achak'an'an, vayuchach ju Jerusalén ju titamacajunta.

“Mas ni chunchach ju xaclanaviyau lana jantu quinlak'esmatniputunau. Pus tach ju

lanach va jantu tu'u' lai icnavi ni laich k'ox
alacp'ast'acnant'it.

Ju Dios na ts'isi ju laclhak'ailakts'inti

“Pus lana k'ox icts'isi ju lac'atapacxat
ju quinlalhijunau. Chai lana jantu
iclakts'imputun ju minlaclhak'ailakts'inti'an.
Lanach jantu lai ictastucni ju avilhchan ju
lhic'at'aniyat'it ju quinlacata. Chai lanach
jantu iclak'esmatniputunau acsni
quinlat'achivinau. Pus ju uxijnan
t'ailhip'int'at'it ixnavica ju amacxciai.

“Pus amamact'at'itch ixnavica ju amacxciai
chai lack'oxinch lapanacni a'unt'it. Pus
alhilaksit'itch ju ixtasoknic'anti lhamap'aksin
chai lack'oxin lapanacni alact'alat'it ju
quilhpatinin.

“Mas ni na lhuch ju amacxciai ju navit'at'it
para ni amamact'at'it ixnavica chai ni
aquinlaquicla'iu, na k'ox cata'ananiyan ju
lamin'atsucunti'an.

“Para ni jantu aquinlaquicla'iyau na lhu
lhamak'an ap'acxana'it'it.

“Ju amachak'an Jerusalén lana k'ox
xaquintaquicla'ju p'ulhnau. Chai lana
lacak'ox lhamap'aksin ju ixtalakts'in chux ju
lapanacni.

“Para ju chavai lanach va si amakninin
tajunita chai na talhit'atayai ju alactu'unin.

’Vasalh ni mati' apumatam ju istavasalanti
dios cava tach ju junitach ju Dios.

’Vachu' chini nonchokoi ju Dios:
“Ak'esmatt'it ji israelitanin. Mas ni
malaclat'at'it ju quinchivinti
aclamac'acxaniyau va ixlacata ju
quintapaka'ut.

”“Aclamac'a'niyau ju xcan
ju laminlaclacat'un'an. Chai
ac'alacmalakachaniya' ju quin'Espiritu ju
minlapanaacni'an. Ju Jerusalén acnavichokoya'
lakatam k'ai lak'achak'an.

”“Pus ju ixlacata ju ani lhamak'an
acmalakachaya' ju ucxtin Ciro mas ni jantuch
quinmispai ju yuch ju quit'in. Ju yuch
lhek'acha catamoconiyan ni k'ox
ach'alhc'atnent'it. Chai ju uxitnan
at'ai'ulaya'it'it ixlak'oxica ju quimpujitat acsni
ucxtin junita ju yuch.

”“Pus ac'alacmamak'alhk'ajniya' ju
xalapanacni Caldea ni na va k'ai talacjunita ju
yu'unch. Chai lana jantu k'ox tat'alalakts'inan
ju uxitnan. Chai vachu' ni na va
talaclhit'ak'ayai ju ix'atac'atsanti'an.”

’Pus ju minlacata'an chini najun ju Dios:
“Tasq'uini ni ap'ast'act'it ni na mak'anchich ju
xacnajun ni aclamac'mak'alhk'ajniyau. Pus ju
chavai iclamamak'alhk'ajniuch. Para jantu
ixlacata yuch ju xaclhinavi chunch ni va
aclamac'acxak'opatu.

’“Ju quit'in iclalhiminchoko ju
laminlak'achak'an'an, pus iclaqui'iu junta
ixlac'ucxunt'onachitit ju vaclhun
lak'achak'anixni.

’“Ju quit'in quinlapanaacnich
iclahixek'elayau ju uxitanan. Pus
jantu at'alhanant'it ni iclat'avilau ju
uxitanan chai vachu' icla'aklhtaijuyau.
Vachu' ac'alacmamak'alhk'ajniya' ju
catamamak'alhk'ajniputunan ju uxitanan.
Pus mas lanach jantu minlhu'an unt'at'it
ju quit'in ict'onau la'aklhtaijunin.”

Ixlapanac ju Dios

’Ju Dios vachu' chini najunta: ‘Pus
aclamatlakachanitachau pumatam lapanac
ju ixlapanac cajuna'. Ju quin'Espiritu
cat'atolhk'alhiya' ju yuch lapanac. Chai ju
yuch lacak'oxi lhamap'aksin ca'alakts'ink'oya'
ixchux'an ju lapanacni.

’“Pus ju yuch jantu va catit'asatsuculh
nin lasanilapanac cativa. Chai ixchux'an
ju xalapanacni ju ani lacamunutpa'
catak'esmatniya' ju ix'amalaninti.”

’Ju Jehová yuch ju istavasalanti Dios junita.
Chai ju yuch jantu catimacaoulh ni catalak'aya
ju lapanacni ju va santo q'uiu cava. Chai
jantu xamati' catitamacaulh ju jantu
catimamak'alhk'ajni.

Pus ac'alacmaca'aniya' ju palai amacxciai
mak'alhk'ajnat ni laich catalanilh
quinquiclaca'ica.”

Ju lacapujitat lanican ju ixlacihmap'aksin ju Dios

Ju Isaías tailhi'ah ju ixchivinti:

—Cachina' avilchan acsni catamina' ju
lacapujitat ju xalapanacni ju ixlhilacaputs'un
lak'achak'anixni ju lacamunutpa'. Pus va
catamina' laninin palai ixlacata ju Dios.

’Pus ju acsnich jantuch tavanán catitalaclasa
ju lapanacni. Para acsni tuca' tapasai
ju chunch, ju xalapanacni Judá
catamak'alhk'ajnana' ixlacata ni va
talak'ayatach ju santo q'uiu.

’Lana k'ox ca'alina' ju mak'alhk'ajnat.
Ixliyuchach catalaclhimak'anach ju
ixlacsantu q'uiu'an ju lapanacni acsni
catalactatank'anuya'.

’Pus ju xalapanacni Jerusalén chai ju
xalapanacni Judá lana k'ox ta'alactu'unun tach
ju xalapanacni Sodoma. Ju xalac'ucxtinin
yu'unchach ju palai alactu'unin tajunita.
Pus lana k'ox talaclhimakchapui ju
quilhpatinilapanacni. Chai na tamalactu'uni
ixchux'an ju lapanacni.

’Para ju tichi catitatamoconach
ca'alacmac'acxaniyach ju ix'alactu'unti'an ju
tuchi tanavitach. Pus ju Jerusalén asacstuntich
lak'achak'an calhilhcaya' ju Dios.

Ju astan chinich alacjunilh ju Isaías:

—Ju uxitan ju xalapanacni Judá chunch unt'at'it tach xa'ach'ananti uvas. Mas lana k'ox lhist'ac'a ju amanavin lana jantu xt'ak'a ju k'ox xatoc'at. Pus ju chunch ju amanavin past'ac'ach ixmalajc'acxaca.

'Ju Dios lana lacak'ox amapaininti talakts'intan. Para ju uxijnan lana jantu k'ox lapanacni unt'at'it chai lana jantu k'ox alakts'inat'it ju ali'in. Chai alact'ai'init'at'it ju ixlaclacat'un'an ni min'anuch'an calacva.

'Ju lact'icest'in ucxtinin talhit'atayai ju alactu'unin. Chai talak'oxini ju ixlhamak'an va tichi chavaich ju mapalaich ju ta'eklhtamat. Ju ixlacata chux ju ani taxtokni ju Dios camocona' ni cataminan t'alasanin ju xalapanacni ju alacatam lak'achak'an.

**Ju Isaías pacxanta tach aklak'avanti ixlacata ju
ixtachaput ju Dios**

Ju c'ata acsni nilh ju ucxtin Uzías, ju ixnajun ixchivinti Dios ju juncan Isaías ixtanun ju lacapujitat. Pus anchach ju lakts'ilh tach lakatam aklak'avanti ixlacata Dios chai ju ixt'ak'ayantich. Alakts'ilh ju xa'anquilhnin lact'iyan ju ajuncan serafines ni ixtanajun lacap'as chivinti ni na salaka junita ju Dios.

Ju acsnich ju Isaías naulich ni ca va camamak'alhk'ajniyach ju Dios ixlacata ju

Pus ni calhilaksiyau ju yuch aquintaxtakniyan ju sast'i tachaput acsni caxk'op'au.

'Ju Dios chini najunta: "Pus chux ju xalapanacni ju ani lacamunutpa' quit'in ju aquintalak'aya ni quit'in ju iclhistaack'ojui chux ju lacamunutpa'. Ju israelitanin unt'at'it uxijnan ju quinlapanacni iclasacstutau.



*Ju Isaías najun tas calhimakchapucanach ju
catsucuya' ixlapanac*

'Pus mintach alacxtaknini' ju ixlapanacni ju tuchi tamaktasq'uinich. Chai chunchach ca'alaclhist'ac'a' ju ixlapanacni tach ju alaclhist'ac'a ju ixlhistacna' calhnilu ju ixlajcalhnilu.

Ixtachaput ju Dios

'Ju Dios lana k'ox tachapun junita chai lana k'ox atalanininta. Pus lana k'ox palai k'ai ju yuch. Palai jantu ju lacamunutpa'. Ju yuch jantu chunch junita tach ju va santo q'uiu ju tanavi ju va lapanacni.

'Chai ju yu'unch lana k'ox talhacapu'an ni k'ox tachapun ju xatanavi u ni jantu. Ju k'entam mak'ak'ai q'uiu pumakatam talhisaknan chai ju apumakatam tanavich ju ixsantu q'uiu'an.

'Pus nin chunch lana jantu lai talakts'in tas tacha'ank'ojutach ju ixlhitonto'an. Ju va santo q'uiu lana jantu lai tatalacnavi, nin yuch ni lai ca'a'aklhtaiju ju lapanacni ju talak'ayai.

'Ju Dios palai lana k'ox k'ai ju ixtachaput. Palai jantu k'ai ju lacamunutpa'. Chai lana mati' xamati' ju ixt'achunch cava ju yuch. Pus jantu tavanan lai catinaju ni jantu lakts'in ju Dios ju tuchi tapasayau ju quijnan'an ju ani lacamunutpa'.

'Chai ju yuch lana jantu tavanan xk'op'a. Vachu' lana machakxak'oui chux ju taxtokni.



*Tach ix'aklak'avanti ju Isaías ju lakts'ilh ni
ixtatak'elhtajuyachilh chai ixtata'akst'achokoi ju
ix'anquilhnin ju Dios*

tuchi ixnajuntach. Chai ni va navitach ju amacxcai tach ju ixtanavitach ju xalapanacni Judá.

Ju Isaías lhiquicch'apacan ju ayakana'

Ju Dios junilh ju pumatam ixserafín ni cach'apalh lakatam ayakana' junta xavacan ju lhak'ailakts'inti. Chai lacayuchach ayakana' ju calhipuquicch'apalh ju Isaías.

Pus acsni ixnavitach ju chunch ju serafín junilhch ju Isaías ni ixmac'acxanitach ju Dios ju ix'alactu'unti ju ixnavita chai ju ixnajunta.

Ju Dios chinich naulh:

—Tis chavaich ju ca'ana' chai tis chavaich ju acmalakachaya' ixchivinanca ju laquintapaka'ut.

Pus ju acsnich ju Isaías naulich ni yuchach ju canaviya'.

Pus ju Dios malakachalhch ni ca'alhch alacjunini' ju xalapanacni Judá ni jantu lhitalpalai mas lanach k'ox catak'esmatlh ju ixchivinti Dios. Pus jantu tavanán catitamachakxa ju ixchivinti Dios ju yu'unch. Pus lanach k'ox lhu alactu'unti ju tanavita. Pus ixlhiyuchach tach ju va alak'ach'ixninch chai lack'atapanin tajunita.

Chai vachu' junilh ju Isaías ni catailhi'ah ixnajunca ju ixchivinti tus acsni calact'ilhik'oceanach ju xalacat'un Judá.

Babilonia ju laxa'aktsulh ju xalacat'un Caldea chai cata'anchokolhch ju xalacat'un Judá.

K'ox chivinti ixlacata'an ju xalapanacni Judá

Ju Isaías chini ix'alacjuni ju laptopacni:

—Ju Dios yuch xaquinlimalakachayachilh ju ani ni va ac'alacmatank'oxajk'aya ju ixlapanacni. Chai ac'alacjunilh ni lanach k'ox lhu xa'alacmamak'alhk'ajnican ixlacata ju tuchi macxcai tanavita.

'Ca xamati' ju chivinin junta na va apakniu junta. Chai quintajunan ni calasoknic'auch ju quin'atsucunti'an. Ju Dios ma mintach ju chavai.

'Ju chunch catac'atsak'oyach chux ju xalapanacni ju ani lacamunutpa' tach ju tucanch tit'ak'ayak'ojuta ju ixtachaput ju Dios.

'Ju ix'atsucunti'an ju va laptopacni lana jantu mak'an ch'ix. Pus chunch junta tach ju lakatam xanti u lakatam ach'itin. Para ju ixchivinti Dios lana jantu tavanán lai aclai.

'Ju talacnajun ixtavasalanti ixchivinti Dios ju xalapanacni Jerusalén tasq'uini ni la'ix'ucxni talhpa ju catalactoc'ah. Pus anchach ju catalacnaulh ju lacap'as chivinti ju ixtavasalanti ixchivinti Dios. Pus alac'unit'it ju xalapanacni xalacat'un Judá ni anich t'ajun ju ixDios'an. Ju yuch mintach ni ix'ucxtinch'an cajuna'.

'Ju yuch lacak'ox lhamp'aksin ju
catalakts'inan ju pumatamin minlhi'uxitnan.
Pus ju acsni c'ata lana ixlhilacaputs'un ju
lacamunutpa' ju na c'us cajuna'. Chai lanach
jantu tu'u' cati'alilh ju lai tu'u' calak'alhi u
calact'ilhilh.

'Chai ixlhilacaputs'un ju lacamunutpa'
cac'atsak'ocana' ixlacata ju Dios. Pus chux ju
xalapanacni ju lak'achak'anixni catamina'
lak'ayanin ju yuch ucxtin. Ju Dios ca'anaviya'
ju israelitanin ni catalac'anchokolh ju
la'ixlak'achak'anixni'an.

'Ju yu'unch na lacalhu lak'achak'anixni ju
ta'akpitsinin. Pus chux ju xalapanacni Efraín
chai ju Judá va lakatam lak'achak'an
catajunchokoya'. Chai ixchux'an cataxtakniya'
lak'ailakts'iuch ju Dios.

Ju Isaías alac'ats'oknuni ju israelitanin ni cata'anchokolhch ju Judá

(maxtucanta ju laca'Isaías 40–66)

Ju ixnajun ixchivinti Dios ju juncan Isaías
ats'oknulh laca'akxtam k'elhtank'ai alhiqui.
Chai ju laca'alhiqui ixnajun ixlacata ni
catataxtuchokochalhch ju xalak'achak'an



*Ju ix'anquilh ju Dios quicmichi ju Isaías ju
laca'ayakana'*

Ju Isaías alacjuni ju ixlacchamap'aksin Dios ju xalapanacni Judá chai ju Efraín

(maxtucanta ju laca'Isaías 9:8–12:6)

Ju Dios junilh ju Isaías ju tuchi ca'alacjuna' ju xalapanacni Efraín. Chai ju Isaías chinich ix'alacjuni:

—Ju xalapanacni Efraín lana k'ox lajk'ajin tac'atsan. Para ju Dios ca'alacma'ucsac'atsaniya' ju maxanti. Pus alacmoconita ju ix'alact'alaxcai'an ni cata'alhajanalh ju lacalasat.

'Para mas ni chunchach ju tatapasata lana jantu talak'ayai ju Dios. Pus ixlhiyuchach alaclhimacaminitach ju Dios ju macxciai mak'alhk'ajnat.

'Talacnavitach ju lhamap'aksin ju tamoconich ni catalac'okxchok'olhch ju ali'in. Chai lanach jantu tak'esmatniputun ju ixlacchamap'aksin ju Dios.

'Ju Dios camoconiya' ju xa'ucxtin Asiria ni ca'alacmac'acxalhch ju va ix'alaclhimapalhcanch ixlacata ju ix'alactu'unti'an ju tanavitach. Pus ju yu'unch lapanacni lana k'ox k'ai alactu'unin tajunita.

'Para ju Dios camalakachaya' ix'alacmamak'alhk'ajnica ju Efraín chai ju Judá. Pus ju yuch calact'ilhiya' ju Samaria laxa'aktsulh ju Efraín. Chai vachu' cat' alasaya' ju Judá.

'Acsni camaclayach ju Dios ix'amamak'alhk'ajnica ju israelitanin, vachu' ca'alacmamak'alhk'ajniya' ju ix'alact'alaxcai'an.

'Pus ju yuch capast'ac'ach ni na lhuch t'ajun lhajana' lak'achak'anixni ni na va tachapunch junita chai ni na va atalaninintach. Pus ju chunch va ixlhitonoch tach ju lai. Pus chunchach lai tach ju tu'u' hacha ju calhijumpulh ju tam sakna'.

'Ju Dios camocona' ni catak'enk'a chai ni cach'apalh ju lana k'ox p'asni scacat. Ju acsnich ju xalapanacni Efraín ju catitatamocona' catalhilaksichokoyach ju Dios. Para jantuch ixt'achunch cativa tach ju ixtalhavatch ixtajunita ju ixlhi'ap'ulhnan.

'Ju uxijnan ju xalapanacni Judá unt'at'it jantu at'alhonit'it ju asirionin. Pus jantuch mak'an cativa ju catitat' alasatsucun.

'Camina' avilhchan, ju Dios catamalakachanitachan pumatam ixpapanti ju k'ai ucxtin David. Pus yuchach ju min'ucxtin'an cajuna'. Ju ixEspiritu ju Dios lana k'ox atalanini' canaviya' chai na k'ox lapanac cajuna'.